

10e Boerebroelof in Pej



Zòndig Halfvasten beteikentj Boerebroelof-Zòndig.

Noe al weer vòr de tieëndje kieër. Het komité van de fanfaar haet de familie weer bei-ein.

Sandra van Riekie en Wil van Mechelke en Graatje van Wullem van de Smeed en Bert van Annie en Jean van Buntj zulle den in de òn-ech verbònje waere door de amtenieër van de börgerlikke standj: Martien van Pieër van Leo Pleunis.

Dees ludieke plechtigheid weurdj op vastelaovsmeneer aanein gekaldj door de Ceremoniemeister: Ger Boane van de Dòrpstraot.

Dit alles ònger het toezendj aug van Harrie de veldjwachter.

Broedsstoet

Van te vòre zeen de broed en de broedegòm in ein prachtige stoet van hoes aafgehaoldj en noa het 'Gemèndje hoes' gebrach.

De stoet zal zich opstèlle bie Kafee 'Leo' aan de Bròkwaeg.

Drie koetse zulle de ganze Boerebroelof-familie verveure.

Old-timers, aoj boerewagens en ettelikke zaate hermeniekes zulle het broedspaar vergezelle.

Natuurlik zulle zich hie weer hieël vòl broelofsgaste bie aansloete.

De roete is es volgt: Kafee 'Leo', Houtstraot, Dòrpstraot, Slekkestraot tèt de garaasj van Mia Bougie. Dao drejje weer òs òm en gaon weer tròk door de Dòrpstraot, Pastoar Cramerstraot, Sjoalstraot, Kirkstraot, Clarastraot tèt het 'Gemèndje-hoes': Biej Aolders.

Kamersjeete

Auch dit jaor weurdj het fiès op traditioneel meneer ingesjaote mit het Kamersjeete.

Dit gebòortj door eine sjötter van de sjötterrie van Staeveswaert. Het zal plaats vènje op het graasveldj bie Kafee 'Leo', òm twee oer.

Om veer oer zeen weer den Biej Aolders wo de groate plechtigheid geitj plaats vènje.

Mer vòr det dit kan gebàore, mòt de

òn-ech-verbèntenis van Toos en Ton van het vòrig jaor òntbònje waere. Vanzelfspraekendj kònne d'r auch nog bezwaore ingedeendj waere.

Resepsie

Den kòmptj ein nuuj hoagtepuntj van het fiès: de resepsie. Prachtig waat de luuj zich laote invalle, òm het broedspaar te verrasse.

Alle aetenswaar waere direk aangesneje en ònger de gaste verdeildj. Smakelik!!

Tònteldj uch get aan oet grootmoderstied en kòmptj nao dees grandiose resepsie.

Sandra en Bert àopene mit de broelofsdans het aafsloetendje broelofsfiès. Het zal waal eine liggendje tango waere.

En den geit 't op Pejjer meneer door tèt in de kleine uurkes.

Ein orkes zòrgtj vòr de passendje meziek.

Programma

13.30 Oer: Verzamele bei Kafee 'Leo'.

14.00 Oer: Kamersjeete.

15.00 Oer: De broedsstoet geitj op waeg. Aafhaole van de Broedegòm en Broed.

16.00 Oer: De plechtige òn-ech verbèntenis.

17.00 Oer: Resepsie.

19.00 Oer: Broelofsfiès.

Femie

Broed: Sandra van Riekie en Wil van Mechelke en Graatje van Wullem van de Smeed.

Broedegòm: Bert van Annie en Jean van Buntje.

Ouderparen: Annie en Har Heltzel, Sybille en Michel van Cruchten.

Getuuge: Marjan en John Renet.

Broedskènjer: Lindsey Renet, Suzanne van Cruchten en Leo Penders.

Ceremoniemeister: Ger Boonen.

Amtenieër: Martien Tonnaer.

Sjriever: Ruud Roumen.



